

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025 Nd.9 Ng.24

Liggaeuq ietceih nienz ndwenbet cosam Geizsoq: Gungh daih 3687 geiz

Gaiq Daih 22 Dunghbozvei, Funghvei Hai Sat

9 nyied 21 hauh, Gaiq Daih 22 Cungguek—Dunghmungz Bozlanjvei youq Nanzningz hai sat. Gicej daj aen hoih fatbous saehmoq Gaiq Daih 22 Cungguek—Dunghmungz Bozlanjvei roxyiuj, gaiq dunghbozvei neix hopheux cawjnieb, hopheux Dunghmungz, hopheux raenhamq, baez nduj haicauh aen ciengzgingj canjvei gvai moqsag, guhbaenz le gaiq hong yawhgeiz cwngei vaigyauh gveihgwz sang, AI guh cawjgiek, giyez guh daeuz sam aen fuengmienh, aeu “AI hamzliengh” doenghbaez caengz miz gvaq bae coenghrenez doinyoengx cauhlaeb aen minghyinh caezcaemh Cungguek—Dunghmungz engq gaenjaed de.

Gaiq dunghbozvei neix langhbaij najdieg 16 fanh bingzfanghmij, laeb dieg langhbaij daeuz Nanzningz caeuq dieg langhbaij baeyouz Gveilinz, comz 60 aen guekgya 3260 aen giyez camgya langhbaij. Ndwade, dieg langhbaij daeuz Nanzningz najdieg 10.2 fanh bingzfanghmij, giyez camgya langhbaij 1910 aen; seiqgyaiq baihnaj

500, Cungguek baihnaj 500, giyez mizmingz doenghgij giyez daiyauj neix 432 aen, lai gvaq gaiq gonq 7.5%; Dunghmungz daengj dieg langhbaij najdieg ciemq 30%, giyez Dunghmungz 627 aen, ciemq 32.8%, Dunghmungz camgya langhbaij najdieg caeuq gveihmoz youq ndaw guek canjvei laebdaeb baujmaenh daih’ it. Miz 1.1 fanh lai aen giyez, mauhgyaq 3 fanh bous daengz dieg dajcawx.

Gaiq dunghbozvei neix miz haj aen daegdiemj:

It dwg miz dungxcaiz lai. Gaiq dunghbozvei neix AI hawjrenez guh langhbaij guh hoih liuxliux, haimuqsik AI diemjrongh lailai, dieg ciemmonz langhbaij AI hawj vunz gyaiez, yienghsaeh AI hawj vunz haeujrwz, canjvei hawj vunz miz roxnyinh moq.

Ngeih dwg gaiq moq lai. Gaiq dieg langhbaij neix gveihva gaemdawz fuengyiengq gag cauhmoq, baez nduj laeb aen guenj gij swnghcanjliz akmoq, dieg langhbaij ginghei

saeklamz, dieg langhbaij huqndeiz vaimou, doenghgij huq moq, dinfwnz moq, fugsah moq lailanglang, hawj vunz yawj mbouj rox sat.

Sam dwg youqgaenj lai. Engqgya yawjnaek saeddaej ginghei hwngfat gangjgouz, haenqrenez lai hawj giyez daeuj camgya langhbaij camgya haihoih roxnyinh ndaejdaengz, gaenx doinyoengx dunghbozvei daj binjbaiz bienqbaenz baizgim. Fatbous cek sawbeizlamz 《Gij Baugau Deqmuengh Ginhmou Doxgap Cungguek—Dunghmungz(2025—2026)》; guh yienghsaeh doxgangj ginhmou doxgap Cungguek—Dunghmungz, yienghsaeh doxgaiq langhbaij bingzsenj, yienghsaeh baenzroix doxgaiq moq oknaj baez nduj, doenghgij huq moq, dinfwnz moq neix fatbous ciuyinx haujlai giyez caeuq canghseng’ eiq haeujrwz, camcaz, doxyaeng, giyez miz engq lai seizgei haigvangq hawciengz.

Seiq dwg habhoz lai. Yienh’ ok coh moq coh saed, laebdaeb cauhmoq gak hangh banhfap fugsah saeddaej

ginghei, guhndeiz aen liuzcwnz bauq banh cingqgienh; baez nduj gunghawj 200 aen gih fanhoiz dawz ngaih hawj canghseng’ eiq Cungguek caeuq Dunghmungz doxdoeng mbouj gazngaih, baez nduj youq veicanj cunghsinh guh yienghsaeh ciet angq “youq Dunghmungz gwn”; “veicanj+” baeyouz ciepdaih doengh gij fugsah neix, hawj canghseng’ eiq daeuj camgya langhbaij camgya haihoih roxnyinh daengz dunghbozvei lienzdaemh baenaj.

Haj dwg haeujrwz lai. Cawjlouz meizdij ndaw guek rog guek lai bauqlwnh gaiq dunghbozvei neix, gungh miz 25 aen guekgya caeuq gizdieg 170 aen meizdij gihgou, 1700 lai bous gicej daeuj caijfangj.

Gwnz hoih lij lwnh Gaiq Daih 23 Dunghbozvei seizlawz guh, cobous dinghyouq bicog 9 nyied 17 hauh daengz 21 hauh, Feihlizbinh yaek guh aen guek cawjdaez, Cangzcunh Si guh “aen singz yinxdaeuz Cungguek”.

(daj 《Gvangjsih Yizbau》 aeu daeuj genj hoiz Vangz Cing)

Sanhgyangh Nyaengq Mbaet Caz Seizcou

9 nyied 19 hauh, youq Sanhgyangh Duncuz Swciyen Bazgyangh Cin Buyangh Cunh, gyoengq bous ndaemcaz cingq nyaengq mbaet caz seizcou. Seizneix seizcou mbwn caemx, cingq dwg seiz baenz mbaet caz seizcou. Gyoengq vunz dangdieg swnh geij ngoenz mbwn ndei, nyaengq mbaet nyodcaz unq, dawzseiz aeu bae haw gai, aeu mbawcaz ndei gyalai diuzroen ndaej ngaenz, bangrenez canjnieb miz daegsaek lajmbanj guh baenaj.

(Yangz Mingz ingj)



Aen Yenzsizingz Son’ gyauq Vunzcaiz Cingjeix Caeuq Okbanj Sawgeq Sawndip Daengx Guek(Geiz Ngeih) Youq Nanzningz Guh

9 nyied 16 hauh, Aen Yenzsizingz Son’ gyauq Vunzcaiz Cingjeix Caeuq Okbanj Sawgeq Sawndip Daengx Guek (Geiz Ngeih) hai yingz yizsiz youq Gvangjsih Minzcuz Dayoz guh sat.

Baez yenzsizingz neix iucingj Guekgya Minzvej Minzcuz Vwnzvagungh Duzsuhgvanj, Sanhdungh Dayoz, Anhveih Swngj Senhcwnz, Gvangjsih Minzcuz Dayoz doenghgij lauxhangz ndaw guek mizmingz caeuq bous guhhong coihfuk sawgeq,

cingjeix Sawndip soqcihvaq daeuj hwnjdanz, hopheux gak minzcuz doxbyaij doxyau doxyungz ndaw sawgeq minzcuz, cingjeix caeuq yungh bei ndaw daengx aen sijliu caezcaemh Cunghvaz Minzcuz, fuengfap cingjeix caeuq guh fanhoiz sawgeq Sawndip, yungh dinfwnz moq cingjeix okbanj sawgeq minzcuz vunznioix, faensik anqlaeh baujhoh sawgeq, loeghaeuj caeuq baizbanj Sawndip doenghgij neix, bae yenzgiu hagsib, maqmuengh

ndaej lai guhhung aen doih yenzgiu cingjeix sawgeq Sawndip, son’ gyauq bous vunzcaiz sawgeq minzcuz caeuq sawgeq Sawgun rox caez. Miz lauxhangz yozcej mizgven gauhyau caeuq gohyenz yensoj, bousbien gak cuzbanjse, bousfucwz danhvei guhhong souyo sawgeq, aen doih sawgeq minzcuz vunznioix Gvangjsih “haj aen doih” daiyauj ca mbouj lai 100 bous camgya.

(Cangh Sinhyiz Liuj Yinzlungz Cwnz Yizsenz)